

**К ОПУБЛИКОВАНИЮ  
КОМИ РЕСПУБЛИКАСА ВЕСЬКӖДЛАН КОТЫРЛӖН  
ШУӖМ**

**2023 воын Коми Республика мутасын  
пӧжаръяс лоны вермана кад заводитчӧм йылысь**

“Пӧжарысь видзчысянлун йылысь” Федеральной оланпаслӧн 20 статья, Россия Федерацияын пӧжарысь видзчысян режим правилӧяс серти, кутшӧмъясӧс вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн, Вӧръясын пӧжарысь видзчысян правилӧяс серти, кутшӧмъясӧс вынсьӧдӧма Россия Федерацияса Веськӧдлан котырлӧн 2020 во йирым тӧлысь 7 лунся 1614 №-а шуӧмӧн, Коми Республикаса Веськӧдлан котыр шуис:

1. Индыны 2023 воын Коми Республика мутасын пӧжаръяс лоны вермана кад заводитчӧмсӧ:

1) 2023 вося косму тӧлысь 29 лунсянь “Сыктывкар” кар кытша муниципальной юкӧнлӧн (водзӧ – КК МЮ), “Княжпогост” муниципальной районса муниципальной юкӧнлӧн (водзӧ – МР МЮ), “Койгорт” МР МЮ, “Кӧрткерӧс” МР МЮ, “Луздор” МР МЮ, “Сыктывдін” МР МЮ, “Сыктыв” МР МЮ, “Мылдин” МР МЮ, “Удора” МР МЮ, “Емдин” МР МЮ, “Кулӧмдин” МР МЮ мутасьясын;

2) 2023 вося ода-кора тӧлысь 12 лунсянь “Воркута” КК МЮ, “Вуктыл” КК МЮ, “Инта” КК МЮ, “Усинск” муниципальной кытша муниципальной юкӧнлӧн, “Ухта” КК МЮ, “Изьва” МР МЮ, “Печора” МР МЮ, “Сосногорск” МР МЮ, “Чилимдин” МР МЮ мутасьясын.

2. Вӧйыны Коми Республикаын меставывса асвеськӧдлан органъяслы:

1) збыльмӧдны Россия Федерацияын пӧжарысь видзчысян режим правилӧясса 70 пункт, кутшӧмъясӧс вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн (водзӧ – Россия Федерацияын пӧжарысь видзчысян режим правилӧяс), олӧмӧ пӧртан мероприятияяслысь муниципальной планьяссӧ планьясӧн урчитӧм уджыяс нуӧдан кадколастыяс да ыджда серти;

2) пӧжарысь видзчысян канму службалӧн юкӧдувьяскӧд, асвӧля пӧжарной охраналӧн юкӧдувьяскӧд, “Пӧжарысь видзан ставроссияса асвӧля котыр” ставроссияса ӧтйӧза организациялӧн Коми республиканской юкӧнӧс петкӧдлысьяскӧд (водзӧ – ПВСАК СӖО КРЮ) ӧтув нуӧдны олысьяскӧд да муниципальной учреждениясса уджалысьяскӧд пӧжарысь видзчысян мераяс да пӧжар дырйи налӧн вӧчӧмторъяс йылысь гӧгӧрвоӧдана удж;

3) вынсьӧдны чина йӧзлӧн вӧчӧмторъяслысь пӧрадксӧ сӧк, кор вӧрса пӧжаръяс да мукӧд ландшафтной (вӧр-ва) пӧжаръяс вермӧны вуджны олан пункт вылӧ, сы лыдын олысьяслы юӧртӧм, эвакуируйтан маршрутъяс, недыр кад кежлӧ овмӧдан пунктъяс;

4) котыртны олысьяслы пöжарысь видзчысянлунсö могмöдöм серти примитöм помшуйомьяс йылысь юöртöмсö, сы лыдын гражданалöн скодьяс (чукöртчылöмьяс) дырйи, а сідзжö могмöдны пöжарысь видзчысян канму службалöн юкöдувьяслы, вөр видзан органьяслы пöжарно-технической тöдöмлуньяс паськöдны отсалöмсö;

5) котыртны зданиеяскöд, сооружениеяскöд, олан керкаяскöд, вөркöд орчча мутасьясысь кос турун, ёг весалöмсö, торйöн кутны тöд вылын уна йöза объектьяс, социальной юкөнса объектьяс, пöжар дырйи öдйö сотчыны вермысь олан зданиеяс (пуысь);

6) водзвыв дасьтыны пöжар кусöдигöн медводз колана средствояслысь да пöжарысь видзчысян кöлуйлысь видзас (ва бöчкаяс, зырьяс, ведраяс, багачьяс, багырьяс да мукöдтор);

7) урчитны пöжарной техникалы сьöкыда воöдчан (вундöм) олан пунктьясын, кöни вермасны лоны вöрса пöжарьяс да мукöд ландшафтной (вөр-ва) пöжарьяс, содтöд автотракторной му кодьян техника резерв пöжарысь видзчысян содтöд мытшöдьяс артмöдöм могысь сійöн оперативной вöдитчöм вылö (пöжарысь видзчысян ылна, пöжарысь видзчысян минерализуйтöм визь), а сідзжö ва сетан содтöд техника резерв (автоцистернаяс, пöжарной насосной станцияяс);

8) сы могысь, медым дугöдны пöжар паськалöмсö да билысь стрöйбаяс, зданиеяс да сооружениеяс вылö вуджöмсö, вөрлөн, муяслөн, нурьяслөн олан пунктьяскöд да торйöн сулалысь объектьяскöд, кутшöмьяс меститчöмаöсь насянь зэв матын, орчча местаясын нуöдны видзан (минерализуйтöм) визьяс лöсьöдöм, весалöм да вильмöдöм серти уджьяслысь комплекс;

9) сэк, кор вермас лоны пöжар, дзик пыр пыртны лöсялана муниципальной юкөньяслөн мутасьясын пöжарысь видзчысян торья режим пöжарысь видзчысянлун серти содтöд корöмьяс урчитöмөн;

10) олан пунктьяслөн мутасьясын, сад вöдитан либö град выв пуктас вöдитан лöсялана мутасьясын сад вöдитан да град выв пуктас вöдитан абу коммерческой товариществояслы прöверитны, эмöсь-ö неминучаяс йылысь олысьяслы юöртан системаясысь, пöжар дырйи йöзлы шыöн юöртан средствоясысь да бура-ö найö уджалöны, урчитны пöжар кусöдан могьяс вылö ва видзассö, а сідзжö пырöдчыны гражданаöс пöжарьяс лоны вермигöн видзчысянлун юкөннын юöртöмö;

11) могмöдны патрульной, патрульно-манёвренной, манёвренной да контрольно-патрульной группаяс лöсьöдöмсö да налысь удж котыртöмсö Патрульной, патрульно-манёвренной, манёвренной да патрульно-контрольной группаяс лöсьöдан да налысь удж котыртан пöрадок серти методика вöзйöмьяс серти, кутшöмьясöс дасьтöма “Россияса МЧС-лөн войтырöс дорьян да неминуचाысь видзан мытшöдьяс серти ставроссияса наука-туялан институт” федеральной канму сьöмкуд учреждение.

3. Вöзйыны Коми Республикаын меставывса авеськöдлан органьяслы, став эмбур сикаса организацияяслы:

1) котыртны му участокьясын, кутшöмьяс меститчöны олан

пунктъяслӧн, сад вӧдитан либӧ град выв пуктас вӧдитан мутасьяслӧн мудорьясын, ёг пыр весалӧмсӧ да турун ытшкӧмсӧ;

2) лым сылан лунсянь арся зэра поводдя пуксытӧдз либӧ лым усьтӧдз периодӧ могмӧдны вӧрдорса мутасьяссӧ косьмӧм турунысь, сю вундӧм бӧрын колясьясысь, ув-баддысь, керасьӧм бӧрын колясьясысь, производство да потребление шыбласьясысь да мукӧд ломтас материалысь мутас мудорьясянь да (либӧ) вӧрсянь 10 метрысь абу ичӧтджык пасьта визьын весалӧмсӧ либӧ торйӧдны 1,4 метрысь абу ичӧтджык пасьтаа пӧжарысь видзчысян минерализуйтӧм визьӧн либӧ пӧжарысь видзчысян мӧд мытшӧдӧн.

4. Коми Республикаса Юралысьлӧн Администрациялы чина йӧзкӧд да органьяскӧд ӧтув, кодьясӧс индӧма тайӧ шуӧмлӧн 2, 3 пунктьясын, нуӧдны пӧжарысь видзчысянлунсӧ могмӧдӧм серти примитӧм помшуӧмьяс йылысь да пӧжарьяс лоны вермана кадӧ пӧжарысь видзчысянлун серти корӧмьяс йылысь олысьяслы юӧртан мероприятиеяссӧ Коми Республикаса войтырӧс дорьян да неминуचाысь видзан комитетӧн сетӧм материальяс подув вылын.

5. Коми Республикаса велӧдан да наука министерстволы, Коми Республикаса культура, туризм да архив удж министерстволы, Коми Республикаса удж, уджӧн могмӧдан да социальнӧя дорьян министерстволы, Коми Республикаса вынйӧр сӧвмӧдан да спорт министерстволы, Коми Республикаса йӧзлысь дзоньвидзалун видзан министерстволы пӧжарысь видзчысян канму службалӧн юкӧдувьяскӧд, асвӧля пӧжарнӧй охраналӧн юкӧдувьяскӧд, ПВСАК СӦО КРЮ-ӧс петкӧдлысьяскӧд, Коми Республикаын меставывса асвеськӧдлан органьяскӧд ӧтув нуӧдны канму учреждениеясса уджалысьяс, гражданина, Коми Республика мутасын меститчысь велӧдчаніньясса велӧдчысьяс (быдтасьяс) пӧвстын пӧжарысь видзчысян мераяс да пӧжар дырйи налӧн вӧчӧмторьяс йылысь гӧгӧрвоӧдана удж.

6. Коми Республикаса видз-му овмӧс да потребительскӧй рынок министерстволы збыльмӧдны ӧлӧдан мероприятиеяслысь комплекс, кутшӧмьясӧс веськӧдӧма кӧрым да видз-му овмӧс мукӧд культура заптан, видзан да нуан периодӧ Россия Федерацияын пӧжарысь видзчысян режим правилӧяссӧ торкалӧмьясысь видзчысьӧм вылӧ.

7. Коми Республикаса стрӧитчан, оланін да коммунальнӧй овмӧс министерстволы котыртны мероприятиеяс нуӧдӧмсӧ, кутшӧмьясӧс веськӧдӧма организациясӧн да гражданаӧн наӧн автомашина туйясӧн вӧдитчигӧн Россия Федерацияын пӧжарысь видзчысян режим правилӧяссӧ торкалӧмьясысь видзчысьӧм вылӧ.

8. Вӧзйыны Коми Республикаын меставывса асвеськӧдлан органьяслы, Россияса МЧС-лӧн Коми Республикаын медшӧр веськӧдланінлы, Коми Республикаса видз-му овмӧс да потребительскӧй рынок министерстволы, Россельхознадзорлӧн Коми Республикаын веськӧдланінлы, Коми Республикаса вӧр-ва озырлун да гӧгӧртас видзан министерстволы пыр вежласьны видз-му овмӧс тӧдчанлуна да запас муяс,

олан пунктъясса му участокъяс да вөр фондса участокъяс кыин кутысьяс йылысь юөрөн, кодъяс торкалоны пöжарысь видзчысянлун серти корöмъяссö.

9. Вöзйыны “Россияса көрт туйяс” ВАК-са Войвыв көрт туйлөн Сосногоркса мутас веськöдланінлөн филиаллы збыльмöдны öлöдан мероприятиеяслысь комплекс, кутшöмъясöс веськöдöма көрт туйясөн, кежöд визьясөн да көрт туйяслөн видзан зонаясөн вöдитчигөн Россия Федерацияын пöжарысь видзчысян режим правилöяссö торкалöмъясысь видзчысьöм вылö.

10. Тайö шуöмсö олöмö пöртöм бöрся видзöдö Коми Республикаса Веськöдлан котырөн Юрнуöдысь.

11. Тайö шуöмыс вынсялö сійöс примитан лунсянь.

Коми Республикаса Веськöдлан котырөн  
Юрнуöдысьöс Медводдза вежысь

Э. Ахмеева

Сыктывкар  
2023 вося косму тöлысь 25 лун  
204 №